

...entatione populo villa, & pro anima-

ORATIONES

SACRAE

PRO POPULO VILIA, & PRO ANIMA-

RE CLAUDIO NOSTRO

CLEMENTE XI

P. O. M.

ET INNOCENTIO XI

A. ANDREA AVELLINI

ORDINIS S. C. C. C.

IN VILIA, & PRO ANIMA-

RE CLAUDIO NOSTRO

ET INNOCENTIO XI

A. ANDREA AVELLINI

ORDINIS S. C. C. C.

IN VILIA, & PRO ANIMA-

RE CLAUDIO NOSTRO

ET INNOCENTIO XI


A. ANDREA AVELLINI

ORDINIS S. C. C. C.

IN VILIA, & PRO ANIMA-

RE CLAUDIO NOSTRO

ET INNOCENTIO XI



ORATIONES

S A C R Æ

Habitæ fer. IV. Cinerum

C O R A M

Sñmo Dño Nostro

CLEMENTE XI.

P. O. M.

ET IN SOLENNIIS

S. ANDREÆ AVELLINI

Ad Em.^{mos} S. R. E. Cardinales

AB ALEXANDRO SALAROLI

Cleric. Regul. Procuratore Generali,
& S. Congr. Indicis Consultore.



*Eremitarum Summo.
Monachi Regii ad Varsaviam*

R O M Æ,

Typis Rocchi Bernabò, MDCCXX.

SUPERIORUM FACULTATE.

ORATIVES

ST. JOHN'S

High Church

St. John's

CLEMENTINE

St. John's

St. John's

St. John's

St. John's

St. John's

St. John's

St. John's

St. John's

St. John's

B. J. Green. F. D. 18

Eñmo, ac Rñmo D.^{no} D.^{no}

FABRITIO PAULUCIO

S. R. E.

CARDINALI AMPLISSIMO

Ac Episcopo Albanensi

FELICITATEM.



IRABITUR fortasse
quispiam me nul-
lius notæ homi-
nem ausum fuisse
EMINENTIAM VE-

STRAM gravissimis tot, tantis-
que Apostolicæ Sedis Negotiis
occupatam interpellare, & eo-

A 2 rum

rum studiorum munus offerre,
 quæ in literatissima Urbe acriorem
 iudicii, & ingenii limam
 exigere videntur. Mirari tamen
 desinet, si humanitatem
 EMINENTIÆ VESTRÆ planè
 singularem, cum aliis penè in-
 numeris Virtutibus, præclaris-
 que dotibus conjunctam nove-
 rit, quâ omnium animos ad se
 rapit, & amorem, & laudes
 sibi conciliat Universorum. Ut
 enim nihil de insigni Pietate,
 loquar, qua profusis sumptibus,
 & regali prope Magnificèntia
 Divina Tempia instauravit;
 nihil de Doctrinæ præstantia,
 quam in Ecclesiasticis rebus
 pertractandis semper adhibuit;
 nihil de singulari Prudentia,
 qua tanquam Primus Minister,
 &

& Commentariensis sanctioris
 Consilii CLEMENTIS XI.
 Pont. Opt. , & Sapientissimi
 Negotia maxima , & gravis-
 sima gerit ; nihil denique de
 Episcopali Munere , de Legatio-
 nibus , aliisque multis pro Apo-
 stolica Sede susceptis laboribus ;
 Quis est , qui non miretur ,
 maximèque suspiciat admirabi-
 lem illam in tot adversis Con-
 stantiam , & eandem semper
 tam in adversis , quàm in pro-
 speris fortissimi animi equabi-
 litatem ? Hac profectò laude
 clarissimam Majorum suorum
 gloriam armis , & literis , In-
 fulis , & Purpura per omnem
 terrarum Orbem pervagatam ,
 non illustravit modò , sed e-
 tiam novo quodam splendore

*superavit. Hac rarâ sanè, ac
 maximâ Virtutis gloria EMI-
 NENTIA VESTRA non modò
 ceteros, sed seipsum quodam-
 modo vicisse videtur. Sed ut
 insignis modestiæ suæ rationem
 habeam, hæc omnia, & alia,
 quæ in dedicatis epistolis alii
 solent attexere, prætereo; obte-
 storque, ut pro eximia sua be-
 nignitate paucarum hunc Ora-
 tionum libellum æquo animo
 excipiat. Exiguum sanè, ut
 video, ac leve munusculum,
 & quod tanti Principis Sa-
 pientiam, & Dignitatem vix
 non dedeceat. Verùm cum plu-
 ribus titulis ad eam ipsam
 pertineat, restitutionis jure po-
 tiùs, quàm doni EMINENTIÆ
 VESTRÆ debetur. Nam quæ
 tri-*

*tribus annis feria IV. Cinerum
in Æde S. Sabine coram SAN-
CTISSIMO à me dictæ fuerunt,
eas EMINENTIA VESTRA,
dum Pontificali ritu ut Major
Pœnitentiarius rem sacram pe-
rageret, non audiuit modò, sed
etiam perhumaniter probavit,
ac suas quodammodo fecit. Quæ
verò de laudibus Divi AN-
DREÆ AVELLINI in Sanctorum
Album tunc recens relati coram
EMINENTISSIMIS PATRI-
BUS dicta fuit, ea sanè pecu-
liari titulo ad EMINENTIAM
VESTRAM spectare videtur,
tantoque supra ceteros merito,
quanto Ipsa præ cæteris sacram
Sanctissimi Viri Apotheosim pro-
movit. Quo singulari, maxi-
moque beneficio & me, &*

Universam Cler. Reg. Congregationem ità devinxit, ut plurimis aliis, quæ humanissimè nobis est impertita, coronam imposuisse videatur. Hoc igitur qualecunque munus, quod suum propè est, libens excipiat tanquam gratissimi animi mei monumentum; indulgeatque, ut celebratissimum suum Nomen huic Opusculo prælucens immortale ipsi decus pariat, & ornamentum.

EMINENTIÆ VESTRÆ.

Obsequentis., ac Obligatis. Servus

D. Alexander Salaroli C. R.

ORA-



ORATIO

Feriâ Quartâ Cinerum

Habita in Basilica S. Sabine

Anno MDCCXI.



VI fieri dicam, BEATISSIME PATER, ut cognatum homini pulverem, & hospitale immortalis animi, mortale lutam, cum & illud ipsi nobis quotidie obijciamus, & quotannis hoc ipso die

die anniversaria recordatione inculcet Ecclesia; ità plerique tamen omnes obliviscamur, ut abeat in vitiorum irritamentum materia ipsa virtutum, atque, ut mortales morituri, ut immortales vivamus? Illud, opinor, unum in causa est, quod pulverem eum ipsum, qui sumus, veluti alienum aspiciamus; quodque teterrimum est, nostri pulveris incolæ nobiscum non habitamus.

Gen. Cap. 2. 7. Enimverò cum hominem de limo terræ formavit rerum omnium opifex Deus, &, quasi ignobilitatem patrii pulveris pensaturus, inspiravit in faciem ejus spiraculum vitæ, ut fieret in animam viventem visilis argilla, quid cum voluisse aliud

aliud arbitremur , nisi hominem hoc luto illitum à vitiorum contagione tueri ? Quis enim audaci plane voto multa sibi de se audeat polliceri , qui *figmentum* suum norit , & recordetur *quoniam pulvis est* ?

ex Ps.
102.13
14.

Quis item inclusum patrio limo , divinæ imaginem substantiæ , animum nolit à potestate tenebrarum pro viribus vindicare , qui sibi dictum intelligat , *habemus thesaurum istum in vasis fictilibus* ? Humillimum ferunt

ex 1. ad
Corinth.
4. 7.

ad Nili ripas animal , ubi se bis , terque in luto volutatum , durato ad Solem limo loricavit , usque adeò Crocodili ridere infidias , ut ultrò in patulum illius os irrepat , corrosisque paulatim visceribus , & hoste

Plin.
lib. 8.
cap. 24.
25.

pro-

prostrato in lucem triumphator
exiliat, limo debens quod &
vivat, & vicerit. Hac nobis
arte certandum est, & nativo
luto, divinæ mentis particula,
quam animo gerimus, prote-
genda. Horret superbiæ geni-
tor nostræ vilitatis objectum,
quique lutosæ hominum condi-
tioni insultans à nostra sibi pol-
licetur imbecillitate victoriam,
à nostra, si sapimus, imbecil-
litate cædem accipit acriorem.

ad eph.
6. 16.

S. Petr.
5. 8.

Job. 41.
18.

Hac nos industria contra *ne-
quissimi tela* munimus, quique
circuit perpetuò quærens quem
devoret, & reputat *quasi li-
gnum putridum æs*, putredine
ipsa nostra prostratur. Prostra-
tur inquam? immò verò ipse
suâ, quam fabricatus in homi-
nẽm

nem fuerat; insidiarum mole
 conteritur. Revocate, obsecro,
 ad memoriam Statuam illam, <sup>Dan.
cap. 2.
31.</sup> quam Nabuchodonosor Rex in-
 ter somniandum aspexit. Nostis
 quanta metallorum varietate
 fulgeret, quanta superbiret pro-
 ceritate: sed quid tum? lutu-
 lentis innixa pedibus moles,
 ubi primùm disjecti illi, attri-
 tique sunt, tota illico decedit;
 quodque mirum planè est, tam
 discolor metallorum acervus sue
 veluti lucis oblitus unum vi-
 lissimi pulveris vultum induit,
 conversusque est, ut sacræ te-
 stantur literæ, in *favillam*, <sup>ibidem
ver. 35.</sup> æstivæ areæ. Pulvis, pulvis est,
 in quo ambitiosæ molem spei
 collocamus, attollimusque: In
 auro licet dignitates, in argen-
 to

to divitias , in ære perennitatem , in ferro virium sibi robur quis spondeat : Huic licet , ut ita dicam , fastûs Idolo mortales tam sæpe litent , si pulverem tamen illum , quo nititur , sedula meditatione discutiant ,

ex Isai. collabatur profectò *Superbia*
60. 15.

seculorum , dumque quid simus aspicimus , quid futuri simus intelligemus ; quo fiet , ut quam in nos de nobis ipsis machinam adornaverat , in caput collapsam suam communis hostis experiatur , & doleat ; idemque cinis nos quidem faustissimè , illum miserrimè involvat . Atque utinam cinerem

ex Ps. *tanquam panem manducantes ,*
101. 10. *quod serpenti datum fuit in*
Genes. *pœnam , terram comedes , no-*
cap. 3.
14. *stris*

stris faciamus animis virtutis,
 atque immortalitatis nutrimentum; quin ipsam Dei Majestatem nostris irascentem vitiis, intentisque adhuc flagellis majora supplicia minitantem haud aliter exoremus, quàm cum Abrahamo illud usurpantes: *loquar ad Dominum meum cum sim pulvis, & cinis*. Oh incredibilem nostri pulveris efficacitatem! Oh vim nostri cineris prædicandam! cujus, si cum oblivisci omnino nequeamus, maturè meminerimus, non ipsum modò felicitatis nostræ hostem hac recordatione, profligabimus, sed & ipsum nobis conciliabimus veræ felicitatis Authorem. *Excute*, igitur *de pulvere*, ò Homo,

*Genes.
cap. 18.
27.*


*Isai.
cap. 52.
ver. 2.*

con-

*consurge, sede. Excutere, ut
quod es videas: consurge, ut
unde es inde vincas: sede, ut
unde viceris, indè immortali-
ter vivas.*



ORA-



ORATIO

*Habita in Æde S. Sabine
feria quarta Cinerum
Anno MDCCXII.*



M ALE' profectò ha-
 bitat, BEATISSIME
 PATER, qui se-
 cum habitare de-
 trectat; & cum
 pulveris conditione mortalis sit,
 suæ tamen non meminit mor-
 talitatis. Cognatum qui sibi
 B ci-

cinerem, non uti suum, sed
Psalm. uti alienum reputant, oculos
 16. 11. *suos statuunt declinare in ter-*
ram; non ut originis suæ de-
 fleant humilitatem; sed ut vi-
S. Mat. dentes non videant, & audien-
 cap. 13. *tes non intelligant.* Ut ut enim
 ver. 13. *iis inculcet Ecclesia Pulvis es;*
Gen. 3. 19. *nolunt tamen intelligere ut benè*
Psalm. 35. 4. *agant.* Pulverem verò eundem
 quisquis uti suum sedulò me-
 ditatur, ipso sibi mortalitatis
 objectu vitam vindicat immor-
 talem, & iter sibi sternit im-
 mortalitatis in morte. Mortis
 Gymnasium, & Tyrocinium,
 immortalitatis si quis hanc re-
 rum Universitatem appellet,
 illum ego profectò sapere dixe-
 rim. Peropportunum proinde
 semper existimavi, quod Divi-
 nus

nus nos Spiritus monitos vo-
 luit, cum *melius*, inquit, est <sup>Eccle-
 siastes 7. 3.</sup> *ire ad domum luctus, quàm ad*
domum convivii: In illa enim
finis cunctorum admonetur ho-
minum, & vivens cogitat quid
futurum sit. Quàm enim pro-
 num est, ut qui mortis ima-
 ginem suæ, & jugatum humanæ
 naturæ pulverem ubique rele-
 git, de immortalitate cogitet
 comparanda? Planè quicumque
 in hoc *mortis corpore vivunt*; ^{ad Rom. 7. 24.}
habitant, ut S. olim Jobus
 ajebat, *domos luteas, & ter-* ^{Job. 4. 19.}
renum habent fundamentum.
 Sicut igitur qui fatiscentem ævo
 domum incolit, aliam oppidò
 meditatur, ubi securiùs conqui-
 escat, ita profectò nostri nos
 ruituri cineris inquilini, cùm

ad He-
bræos
13, 14.

probè intelligamus *non habere*
hîc manentem civitatem ; quàm
 facilè *ad futuram inquirendam*
 desides animos erigemus ? At-
 que utinam paulò diutius rem
 ipsam contemplari liceat ; nihil
 aliud nobis objicient , & quæ
 præcesserunt secula , & tota
 quâcunque patet Natura , nisi
 nostræ mortalitatis effigiem ;
 splendido scilicet documento ,
 ut , dum in ipsis quod sumus
 aspicimus , quid futuri simus in-
 telligamus . Enimverò quæ un-
 quam extitit Natio tam rudis ,
 quæ hominum conditio tam su-
 blimis , quæ tam hilaris pompa ,
 cui non perpetua quædam patrii
 cineris accineret recordatio ?
 Solemne apud Græcos erat , ut
 Sanctus Petrus Damianus nar-
 rac ,

rat, cum Imperatores inaugu- ^{Epist.}
 rarentur, inter populorum læ- ^{17.}
 tissimas voces, Vas ipsis offer-
 re cadaverum ossibus plenum;
 ut *ossa arida* mox futuri ver- ^{Ezech.}
 bum suæ mortalitatis audirent. ^{37. 4.}
 Fuit, fuit hæc, ut S. ait Hiero-
 nymus, inter triumphales pom-
 pas consuetudo, ut illa Civium
 clamoribus Vox obstreperet,
Memento te esse mortalem. ^{Hieron.}
 Pendentem in aureo Domitiani ^{in pro-}
 cubiculo calvariam quis igno- ^{verb. 1.}
 rat? Quis mortis larvam apud ^{6.}
 Sybaritas convivis objici soli-
 tam? Quis veterum Philoso-
 phorum placita mortis medita-
 tionem appellata? Usque adeò
 vel ipsa plena superstitionis
 Antiquitas nullam esse ad benè
 vivendum salubriorem homini

cogitationem vidit, quàm quæ undecunque in mentem incurrit, & nobis vel audire notentibus, *cogitate* inquit *Vos esse mortales*. Et sanè, ut una fuit à Principe tenebrarum eripiente nobis immortalitatis ratio excogitata, mortis nempè memoriam fallaci pollicitatione dele-

Gen. 3. re: *Nequaquam moriemini*; sic
4. una est reparandæ, vel dum in

Psal. tenebris, & in umbra mortis
106.10. sedemus, immortalitatis ejusdem via, mortis, quem declinare non possumus, vultum irretortis oculis intueri. Quod si, ut Hieronymo autore didicimus,

Epist. ad nihil ita decipit humanum ge-
Cipr. nus, quàm quod dum ignorat spatia vitæ suæ, longiorem sibi sæculi hujus possessionem re-
mit-

mittat; excutietur omninò hic error, si nostra nos sæpè conditio admoneat. *Memento quia pulvis es.* Neque inanem immortalitatis speciem, jactis in altum molibus, aut turpi gloriolæ quæstu confectabimur, si, quod cunctis mortalibus Jobus, hoc noster nobis, quem circumferimus, pulvis ingeminet: *Memoria vestra comparabitur cineri, & redigentur in lutum cervices vestræ.* Quotquot inter homines degimus, velimus nolimus, *in labore*, ut ait S. Isidorus, *vivimus*, *in dolore morimur*, *in pulverem revertemur.* Nimirum quas in Regem Tyrium armavit olim minas Deus: *Dabo te in cinerem*: nostra in nos armat hu-

Job. 13.

12.

Lib. 6.


13.

Ezech.

28. 18.

manitas : *Agnoscat ergò , juvat*
August. sic rem cum Augustino confi-
de Vey- cere , agnoscat ergò se homo
bis Do- mortalem , & franget elatio-
mini . nem ; nec Filius mortis immor-
talitatem in pulvere collocabit ,
sed è pulveris meditatione con-
quiret ; atque , ut sibi dictum
jure speret , & velit , ego dixi
Ps. 81. Dii estis , & filii excelsi om-
6. & 7 nes : illud sibi prius animo altè
defixum maneat , Vos autem
sicut homines moriemini , &
sicut unus de Principibus ca-
detis .





ORATIO

Feriâ Quartâ Cinerum

Habita in Templo S. Sabine

Anno MDCCXIII.



MNES morimur , ^{2. Reg.}
 BEATISSIME PA- ^{14. 14.}
 TER, omnes sicut
 aque dilabimur in
 terram. Quid ergo

est? An ubi memento illud in- ^{Eccle-}
 sonuit, fracti animo contrista- ^{sia fan-}
 bimur, sicut & ceteri, qui ^{ad Thes-}
 spem ^{sal. 4.}
 12.

spem non habent? Nos quidem
 sicut homines moriemur, at
 quanto cum scœnore, si cò tan-
 dem mors recidet, *ut filii Dei*
^{1. Joan.} ^{3. 1.} *nominemur, & simus?* Dedi-
 scit mors ipsa terrorem, si pul-
 veris nostri conditione contenti
 illud nobis crebrò inculcemus :
^{1. ad} ^{Corint.} ^{15.} *oportet mortale hoc induere*
immortalitatem, & corruptibi-
le hoc induere incorruptionem.
 Quid multa? Cinerem nostrum
 sedulò cogitantibus fit lætitiæ
 seges amplissima ipsa nobis
 ejusdem cineris, in quem sen-
 sim revertimur, cogitatio. E-
 nimverò præclare agit nobiscum
 Deus hoc ipso, quo respergi-
 mur, pulvere; siquidem huic
 quandam veluti arrham sempit-
 ernæ felicitatis innectit : ut
 nem-

nempè qui domos luteas , & ^{Joh. 4. 19.}
 terrenum habent fundamentum ,
 non habere se hìc manentem ^{ad Heb. 13. 14.}
 Civitatem intelligentes , inqui-
 rere futuram ediscant ; eamque
 quæ sursum est Jerusalem , & ^{ad Galat. 4. 26.}
 Ecclesiam primitivorum exopta- ^{ad Heb. 12. 23.}
 re . Quid enim esse dicemus ,
 quamobrem illud olim Deus
 Ezechieli præceperit : *sume tibi* ^{Ezech. 4. 1.}
laterem , & in eo describe Ci-
vitatem Sanctam Jerusalem ?
 nisi ut ostenderet hominem ^{Gen. 2. 7.}
de limo terræ formatum , non
illius modò cœlestis Urbis Je- <sup>Apoca-
lyp. 2.</sup>
rusalem beatitudine obsignan-
dum , sed ita penitùs infor-
mandum , ut in ejus quodam-
modò imaginem , de claritate in
claritatem transfiret . O' incre-
dibilem Dei ergà homines
 amo-

Pfam. ^{102.13.} amorem ! Recordatus est quoniam pulvis sumus ; ut pulverem hunc nostrum , qui vas
ad Cor. ^{2. 4.} ignominiae reputatur , *supra* modum in sublimitate , coelestis
ad Tim. ^{2. 21.} ipse figulus in Vas honoris effingat . Hanc autem habentes
ad Cor. ^{iof. 1. 5.} certissimam repositam spem , quâ fieri poterit , ut conditioni nostrae nimium illacrymantes ,
ad Heb. ^{10. 35.} amittere confidentiam nostram velimus , quæ magnam habet remunerationem ? Doleant se esse mortales hi , quibus Vita morte finitur ; gaudeant verò quibus beata æternitas inchoatur . Unum decet scelestissimum Cain , ejusque similes de terræ
Gen. ^{4. 14.} amissione conqueri : Ecce me ejicis hodie à facie terræ . Hominem cœlo natum , cœlo debi-

bitum decet potiùs illud identidem inclamare : *Hei mihi* , *Psalm.*
110. 5.
quia incolatus meus prolongatus est ! Gratia propterea immortales optimæ ergà Nos omnes Parenti Ecclesiæ , quæ cinere Nos provida respergit , & erudit , immortalitati scilicet mortales inauguratura . Cum olim obdurato corde Populum Deo charum *dimittere* nollet Pharaos , *Exod.*
6. 7. 8.
ut abiret in desertum , Deoque suo sacrificaret , Divinæ ultionis indices jactare cineres jussus est Moyses : *Tollite plenas manus cineris* , *Exod.*
9. 8. 9.
& spargat illum Moyses coram Pharaone , eritque pulvis super universam terram *Ægypti* . At quàm secus hodie nobiscum agitur ! Cinerem misericordia spargit , non in-

indignatio, in eoque vitæ auspiciū portenditur, non mortis pœna. Retardantem adituros

Exod.
13. 5. *terram fluentem lacte, & melle*
armatus cinis absterruit; Nos

ad Patriam festinatu-
ros, nostrisque cupiditatibus oblu-
ctantes cinis idem vel segnes ur-
get; jamque properantibus vires
sufficit uberiores: Atque ita

Gen. 3. pœna ipsa in gratiam vertitur,
& quibus dictum est: *Terra es,*

& in terram ibis, in ipsa ter-
ra, ex qua compacti sumus,
immortalitas repromittitur. Re-
promittitur inquam? immò
præguſtanda nobis persolvitur.

Nam quid illud est, quod à se
visum Sanctus Joannes comme-
morat? *Vidi Civitatem San-*

Apoca-
13p. 21. *ctam Jerusalem novam de-*
scen-

*scendentem de cœlo , paratam
 sicut Sponsam ornatam viro
 suo . Quid inquam est ? nisi
 cœlum illud novum plantatum* ^{51. 16.}
*in terra , quod Isaïas & aspexit ,
 & prædicavit . Plantatur quippe
 in terra Cœlum , dum nostro
 huic cœno spes futuræ beatitudinis
 inseritur . Paratur in Nobis
 Civitas Sancta Jerusalem tan-
 quam Sponsa viro suo , si jam
 nunc ejus felicitas pulveri no-
 stro adhærescit , sique cupimus* <sup>Philip.
1. 23.</sup>
*dissolvi , & esse cum Christo .
 Cinerem igitur tanquam panem* <sup>Psalms.
101. 10.</sup>
*manducemus , fluxamque nostri
 pulveris conditionem spei nostræ
 vertamus in alimentum ; Tunc
 enim super flumina Babylonis* <sup>Psalms.
136. 1.</sup>
*sedebimus , & flebimus Sionis
 pulcherrimæ recordantes ; atque*

ut

ut multa in ore erit querela,
ad Ro- *quis me liberabit de corpore*
mani. 6.
24. *mortis hujus? ità quoties me-*
Gen. *mento quia pulvis es insonuerit;*
cap. 3. *toties, memento quia beatus*
eris, insonuisse Nobis existi-
mabimus.




ORÀ-



ORATIO DE LAUDIBUS
DIVI
ANDREÆ AVELLINI

CLERICI REGULARIS
*Habita in Basilica Sancti Andreae
de Valle IV. Idus Novemb.*

MDCCXII.



I quis hujus am-
plitudinem Tem-
pli novæ Majesta-
tis accessione au-
ctam demiratus ;
EMINENTISSIMI PRINCIPES,
insolitæ autem celebritatis cau-
sam

sam ignorans, Apostolo potius
 Andreæ, cui hæc ipsa magni-
 fica Ædes dedicata est, quàm
 addito nuper Sanctorum fastis
 ANDREÆ AVELLINO, ejusdem
 etiam in utroque nominis er-
 rore deceptus, amplissimum
 hunc religiosæ magnificentiæ
 honorem exhiberi putet, ille
 certè sapienter errat, atque fe-
 liciter. Tanta enim virtutum
 omnium propinquitate se se
 Andreas uterque contingit, ut
 honor alterius in alterum pla-
 nè redundet; idque adeò videri
 possit divino factum consilio,
 ut quemadmodum rebus præ-
 clarissimè gestis, & cœlestium
 morum affinitate Alter Alteri
 simillimus in pluribus fuit, ita
 non modò communicato no-
 mi-

mine , ac genere sanctitatis invicem se se repræsentarint , verùm etiam communicandis honoribus , quos Excellentium Virorum meritis Ecclesia sancta decernit , suum hoc Apostolus Templum cognationis jure potius , quàm hospitii , Avellino sic adornaverit . Quamobrem , cum res ipsa postulet , ut hodierna sibi concinat , atque consentiat Oratio , eas potissimum in Andream nostrum conferet laudes , quas sacri præcentione carminis prisco illi , Sanctissimoque singulis Annis persolvit Ecclesia . Hæc enim illum verè quidem , ac magnificè laudat , cum *Christi famulum , dignum Dei Apostolum , Germanum Petri , & socium in passione*

commemorat. Quibus ego titulis cum ostendero, nostrum etiam Andream Avellinum quodammodò insigniri, satis, ut spero, Auditores, pro vestra in eum pietate, laudatum à me judicabitis.

Atque illud in primis reputate vobiscum quotquot ad hujus diei celebritatem convenistis, non esse mihi ad ejus exemplar Apostoli tam affabre, atque concinne pingendam Avellini effigiem, ut suis omnibus lineamentis, & coloribus ad vivum expressa vobis offeratur. Quis enim fieri possit, ut quantus ille fuit, animisque vestris concipitur brevi orationis ambitu, & quasi telâ pictus appareat? Quin ego potius

tius paucis , & extremis tantum lineis , quod nec laude caret apud Pictores , ita illum vobis objiciam , ut quamvis operi multum desit , non temere tamen à me dictum putetis , in utroque Andrea simillimam in plurimis fuisse Vitæ , ac Sanctitatis imaginem . Neque enim casu aliquo factum crediderim , ut post confecta primæ spatia ætatis ad arctiorem Christi servitutem convolans in Beatissimi , & Gloriosissimi CAJETANI Familiam , Andræ sibi potissimum nomen Avellinus adsciverit , ejus nempè Apostoli , quem , & natu grandiore à Navi , & retibus ad eandem sortem , atque ad splendidiorem omni Regno famu-

latum Divina vox evocaverat .
 Quanquam vel ipsa incunabula,
 festinatis gratiæ cœlestis insi-
 gnibus , nobilissimum cum fore
 Christi famulum non obscure
 portenderant , cum se se in In-
 fante prodiret mirus in crucem
 amor , quam scilicet accedenti-
 bus cum ætate viribus toto
 animo amplecteretur , ac tan-
 quam servus fidelis post vesti-
 gia Domini tolleretur , nec un-
 quam dimitteret constantissime
 tesseram servitutis . O specta-
 culum Deo , Cœlitibusque di-
 gnissimum ! Cum sacro illo , fa-
 luberrimoque signo lactens ad-
 huc se sponte muniret , nihil
 magis gestiens , quàm ut expe-
 ditis à Nutrice brachiolis , se-
 mel , iterum , sæpius crucem
 effor-

efformaret ; quæ nempe ipsum
 lustrali fonte à Dæmonis cap-
 tivitate jam vindicatum Chri-
 sto arctiùs adjungeret . Quid
 enim agebas Infans beatissime ,
 quid tua illa manus auguraba-
 tur ? tam sæpe , tam præter
 ordinem naturæ , ætate tam te-
 nera , & quæ mysteria crucis
 ignoraret , hanc tamen unam
 Christiano ritu , & more con-
 formans ? Nimirum te jam inde
 Christo mancipabas , jam inde
 affigi cum Christo in cruce
 cupiebas , jam inde nihil tibi
 erat magis in votis , quam ut
 verum te probares Christi fa-
 mulum , si quam alter Andre-
 as jam senior , jam morti de-
 stinatus tanto animi ardore
 suspirans amplexus est crucem ,

vix ipse natus non dissimili significatione amplecterere. Nec sanè alia de causa crediderim, Auditores, peculiarem uni datum ab Ecclesia Christi famulitulum, etsi reliquis communem Apostolis, nisi quod Andreas crucem ardentius dilexerit. Ideò præ ceteris ille unus Christi famulus appellatur, quia quantò quisque magis crucem amat, quantoque alacrior in cruce persistit, ac moritur, tantò illi debetur magis plena hæc honoris appellatio, isque præcipuo quodam, & proprio jure Christi famulus dicendus est. Et noster quidem Andreas tam illustria in cunis rudimenta initæ cum Christo servitutis ità per omnis ætatis gra-

gradus ad extremam usque sectutem perfecit, atque com-
 plevit, ut nec alia stipendia,
 nisi labores, & cruces, nec
 mercedem aliam, nisi Deum,
 sibi proponens, majoribus in
 dies incrementis auctus San-
 ctitatis cursum verè consuma-
 verit, fidemque servaverit,
 nullis unquam illecebris, qui-
 bus austerior etiam virtus ten-
 tari solet, ab sectandis Domini
 sui vestigiis avocatus, aut minùs
 alacer factus. Non illum blan-
 dimenta Naturæ, non æqualium
 in adolescentia liberior consue-
 tudo, non quæ ad frangendos
 Adolescentium animos tam sepe
 valet muliebris forma suis præ-
 fertim instructa dolis; non in
 reliqua ætate propositi metus,
 non

non minæ, non verbera devium
 unquam, aut transfugam à Chri-
 sti servitute ad mundi libertatem
 abegerunt. Quæ omnia ut pau-
 cis complectar, illud habete,
 Auditores, & omnium comple-
 xione virtutum, & jugi divina-
 rum commentationum studio,
 & assidua Verbi Dei legendi,
 audiendique curâ ita institutam
 ab eo vitam videri posse, ut
 semper à nutu Domini sui pen-
 deret, ejus semper voluntatem
 exploraret, ejus sequeretur e-
 xempla; Oculis tandem in il-
 lum semper intentus, quod Re-
 gius optabat Psaltes, non modo
 sedulitatem Ancillæ imitaretur,
 cujus oculi videantur esse in
 manibus Dominæ suæ, verùm
 etiam æmularetur, ac vince-
 ret.

ret. Quod si gradu quasi facto
 aliam ducere velimus lineam,
 nostrumque Andream ut di-
 gnum Dei Apostolum ad sui
 exemplaris formam exprimere,
 quem unquam exitum inveniet
 Oratio? Nam quis dicendo as-
 sequatur quanta fuerit Aposto-
 lici Viri assiduitas, & industria
 in eo genere piscationis, quod
 Andreas Apostolus Piscator ho-
 minum factus, relictis retibus,
 & navi, tanta cum Dignitate
 ad extremum usque Vitæ spiri-
 tum constanter exercuit? Et
 Ipse quidem vel à puero ad
 hanc sortem vocatus tam patu-
 las, atque dociles præbebat
 aures christianæ doctrinæ ma-
 gistris, ut ex eo pronum esset
 sperare, non satis illi fore, si
 ad

ad normam eorum, quæ avidè
 perdiscebat, vitam exigeret,
 nisi etiam ad alios erudiendos
 magistrum se jam indè forma-
 ret. Nec sanè pulcherrimam
 expectationem fefellit eventus.
 Improvidam puerorum ætatem
 ipse admodum adolescens vica-
 tim, atque per pagos excurrens
 Christianis informat mysteriis,
 atque ad Christum adducit; ad
 eum nempe, qui parvulos ad
 se venire cupiebat, cum talis in
 evangelica piscatione multiplex
 plerumque soleat esse proventus.
 Id nempe alius etiam antiquior
 intellexit Andreas, cum pascen-
 dæ multitudini unum adesse pu-
 erum cum paucis pisciculis Ser-
 vatori Optimo indicavit: qua
 in re consecuta tot esurientium
 fa-

fatietas illud Apostolicis viris eventurum ostendit , ut quales pueros caperent , eâdem firmior ætas , & numerosior turba caperetur .

Nec certè mirum , quod popularibus suis in Ipsiùs vitæ primordiis jam tum apparuerit , qualis in provectiore futurus erat ætate , Christi nempe famulus , ac dignus Dei Apostolus . Hoc ut perfectè assequeretur ; clericali militiæ nomine dato , Neapolim est profectus humanioribus literis , legalibus disciplinis , ac altioribus Religionis studiis in sui , & Proximorum utilitatem strenuè vacaturus . Adeo verò ibi Avelinus noster sapientiâ excelluit , & gratiâ , ut Juris utriusque
lau-

laurea decorari meruerit; & ne sibi concredita à Deo talenta Vir evangelicus fineret esse inutilia, ad actitandas pro pauperibus in foro tantum ecclesiastico causas misericorditer se convertit; sed quid? ob leve, quod sibi dum patrociniandi ardore raperetur, mendacium die quadam obrepfit, facti poenitens, ac amarissimis lacrymis erratum execrans, ab Advocatione recessit; & sacris Ordinibus initiatus, sanctissimo Viro Joanne Marinonio adhibito conscientiae suae moderatore in sortem Domini verè, ac plenè se transtulit. Relictis igitur, ut ita dicam, retibus, & navicula fermè ætate, quâ Apostolus Andreas secutus est Christum,

stum; nempè vigesimo septimo anno, totum se Deo suo mancipavit; & quamvis à puero ad hoc usque tempus inter seculi illecebras, mundique pericula sanctè vixisset, mos tamen illi deindè fuit hæc pœnitentiæ suæ primordia nuncupare. In coelestium itaque amorem totus exardescere visus est, dum salutis animarum zelus ipsius præcordia depascebatur: Dignus proindè cui regimen Sacrarum Virginum, quæ à veteri disciplina recesserant, committeretur, onus verè difficile, ac planè arduum. Harum Cēnobio præfectus Avelinus, incredibile dictu est, quantum elaboraverit prudentissimus Pastor, ut concreditas
sibi

sibi oves à venenatis libertatis
 pascuis ad salubria , ac virentia
 perfectionis prata traduceret ; ut
 lupos gregi sibi commisso insi-
 diantes arceret ; ac demum pro
 demandata sibi Ovilis custodia
 strenuè , animosèque decertaret.
 Pravos igitur dum eliminare
 mores ex eo Sacrario conatur ,
 illudque pristinæ disciplinæ resti-
 tuere divinis , nocturnisque stu-
 diis contendit , paratus pro Ovi-
 culis suis etiam animam ponere ,
 impiorum hominum sæpè im-
 petitus insidiis , tribus demùm
 in facie vulneribus pro Dei sui
 gloria æquissimo animo tolera-
 tis , usque ad sanguinem Dia-
 boli artibus se restitisse mani-
 festissimè comprobavit . Ani-
 mosior Christi martyr effectus
 du-

duriora facere , & pati ultrò
 moliebatur ; atque , ut arctiùs
 Christo se adjungeret , in Apo-
 stolicum Clericorum Regula-
 rium Institutum coelesti afflante
 lumine supplex recipitur . In eo
 nuncupatis summa alacritate
 Votis post annum exactissimè
 expletum Tyrocinium , heroicæ
 virtutis metas jam prætergredi
 videbatur , adeò in illo emica-
 bant sui ipsius contemptus , &
 odium . Juges corporis castiga-
 tiones : penè continua divino-
 rum contemplatio : charitatis ,
 patientiæ , & regularis discipli-
 næ observantia . Totus indè ,
 piscator hominum factus , in-
 procuranda salute animarum ,
 quæ ad hujus seculi scopulos
 naufragium miserrimè fecerant ,

D quâ

quâ Fidelium Confessionibus excipiendis, quâ Populis verbi divini pabulo reficiendis, quâ Infirmis, afflictis, egenis cælesti plane charitate consolandis: corruptos ideò mores, collapsamque pietatem die, noctuque, ubique verbo, & exemplo magna ex parte Andreas, qui *Fortissimus* interpretatur, Apostolico verè zelo restituit.

Eos certè Avellini laborum successus tota mirabatur Italia. Quam enim multos ex omni genere hominum congregabat ingens ejus charitas, illius instar sagenæ, cui simile dictum est Regnum cælorum! Testis Neapolis, quæ Apostolici Viri zelum ardentissimum diutius experta, nullius ætatis,
aut

aut conditionis homines ab eo præteritos vidit. Testis Mediolanum, qua in Urbe Sanctissimo Antistiti Carolo Borromæo tum charus Andreas fuit imitatione Sanctitatis, tum in evellendis vitiorum, errorumque stirpibus strenuus, ac fidelis adjutor. Testis Placentia, quam, & Ipse à Venerabili Nostri Instituti Episcopo Paulo Cardinali de Aretio in partem vocatus Ecclesiasticæ sollicitudinis, tam diligenter coluit, atque feliciter, ut celerior nusquam, aut uberior provenerit fructus. Universa testis Italia, quæ libris, & epistolis Ipsius piè, doctèque conscriptis; quæ pluribus Sacrarum Virginum Asceteriis ab eo erectis; quæ multis Matro-

nis à seculi pompis, ac ornatus
 vanitate per ipsum revocatis,
 edocta, Doctorem suum, Pa-
 trem, Restitutorem agnovit.
 Jam verò Testis hæc ipsa Ca-
 jetani Sanctissimi Parentis nostri
 Familia, quæ ab Ipso & studio-
 rum incrementa, & regularis
 Observantiæ tenacitatem, &
 Charitatis in proximos conti-
 nationem obtinuit, & quæ
 quandiù erit, tùm domesticis
 ejus vigebit exemplis, tùm ad
 Apostolicæ vitæ genus ejusdem
 ardore inflammabitur. De Ipso
 loquantur nostri Ordinis præ-
 fecturæ summa cum laude ab
 eo exercitæ. Loquantur Insulæ
 pluries ipsi oblatae, pluriesque
 ab ipso firmissimè recusatae.
 Loquantur & munus Pœniten-
 tiarii

tiarii ex speciali Summi Pontificis facultate ubique exercendum ab eo , in quo maxima usus est prudentia ; & frequentissima undique Principum obsequia sibi impertita ab eo studiosissimè declinata , & dicent : tanta semper Andream in omnibus humilitate resplenduisse , ut abjectissima quæque Comunitatis munia ipse primus obiret . Quodque omninò tacendum non est : Ipse idem , qui magnum in Dæmones exercebat imperium ; qui orando cœlesti luce fulgebat , & extasi rapiebatur in Deum ; qui pluries Christi Domini humanitatem aspexerat ; qui Deiparæ , cujus quidem cultum impensè coluit , ac promovit , familiarissimus erat ; quique

cum Beatis Spiritibus, & Sanctissimis Augustino, Dominico, & Thoma Aquinate ferere colloquia promeruerat, ità tamen demissè de se sentiebat, ut se mundi probrum, ac scelestum peccatorem vocitaret. Ecquis erit, qui Virum hunc Dignum Dei non putet Apostolum?

Agite jam quæ supersunt duo prosequamur Argumenta. *Germanus Petri, & in passione socius* primus ille fuit Andreas, qui nisi fratrem esset imitatus virtute, tùm etiam mortis causa, & genere, non cum certè his titulis nobilitasset Ecclesia. Quid enim laudis habeat, si magni alicujus Ducis, ac Triumphatoris quis frater esse dicatur, nisi prærogativam sanguinis, & for-

fortunæ rerum gestarum æmu-
 latione, & gloriâ splendidiorem
 efficiat? Nihil ergo jam vetat,
 quin Avellinum Petri Germa-
 num nuncupemus, qui Petri
 zelum in ethnica superstitione
 fuganda, inque hæresum mon-
 stris, & latebris detegendis, ac
 profligandis strenuè sit imitatus;
 qui Apostolicam Petri paupertatem
 heroicè sit secutus; qui ju-
 ges Petri lacrymas ex corde sem-
 per exprefferit; qui Petri amorem
 erga Dominum, ac Deum suum
 in corde semper habuerit. Ger-
 manus erat Petri, non quidem
 Sanguine, quem in venas hau-
 sisset, sed quem voluntariè su-
 scepris verberibus, aliisque
 sævissimis corporis afflictatio-
 nibus, paratus ut Petrus in Cru-

cem, & mortem irē, sui tortor
 assiduus, etiam in extrema senec-
 tute fundebat. Germanus Petri,
 non sanè iisdem natus parenti-
 bus, nec eādē in terris pa-
 tria, sed eo genere consanguini-
 titatis, qua Petrus cum Chri-
 sto, & qua, ut quisque magis
 nititur perfectus esse ut Pater
 cēlestis, eò confidentiūs, ac
 veriūs eundem cum Petro, at-
 que adeò cum Christo in Cœ-
 lis habet, atque invocat Pa-
 trem. Germanus Petri, non
 autem ejusdem artis conditio-
 ne, & quæstu, sed ejusdem
 sorte ministerii, cum dies, no-
 ctesque in labore, & erumnis,
 in vigiliis multis, in fame & siti,
 in frigore, & nuditate, in plagis
 à Dæmonibus suprà modum, ad
 omnes

omnes expositus ætatis injurias,
 nec animam suam faciens pretio-
 siorem quam se , evangelica
 laxaret retia , seque totum pesca-
 tioni, ac prædæ Animarum , quæ
 illi tam copiosa obveniebat, ma-
 gno ardore Charitatis impende-
 ret . Germanus tandem Petri ,
 non ejusdem consors hæreditatis,
 quæ sæpè fraterna fovet odia, sed
 ejusdem particeps virtutis , quæ
 vel extraneos fraterno amore
 conjungit ; cum verè Vir Apo-
 stolicus unum ex Apostolis Pe-
 trum , si vitam ejus introspexeri-
 mus, imitandum sibi proposuisse
 videatur . Quare cum Christi
 Fratrem, Origene teste, faciat
 virtus , non erit dubitandum,
 quin etiam Petri Germanus hic
 alter dicatur Andreas , qui Chri-
 sto

sto ut esset similior Pètro se similem reddidit .

At enim cur etiam Socius in Passione dicatur ? Esto hactenus dicta utcunque probata sint, hoc tamen haud ità facilè persuaseris . Quos nempè hostes, quem Tyrannum invenies, qui crucem paraverit homini, singularis opinione virtutis, infimis æquè, ac summis charissimo, quem omnes tanquam è coelo delapsum, incredibili animorum consensu Virum coelestem apelabant, Sanctissimumque vocabant; In cujus dictis, factisque nescio quid homine majus admirabantur; in quo denique vivam, & expressam suspiciebant Sanctitatis effigiem ? An illum ad mortem rapuerint, qui arcana cordium

dium revelantem audirent; qui morbos abigentem intuerentur; qui eventura vaticinantem obstupescerent; qui elementa pronutu regentem viderent? An Populi beneficiis obruti, ac stupore correpti ad Crucem traxerint illum, cui, quasi Naturæ Domino, morti proximos, aut ereptos revocare ad Vitam, pluvias ciere, tempestates sedare, mari ac ventis imperare, baculunu bestiarum feritatem compescere, omnia denique ad suum arbitrium moderari, & flectere familiarissimum erat? Profectò non in barbara quadam Regione, sed in Urbe florentissima, inter oscula, & lacrymas Civium, inter Fratrum suorum amplexus, annis perindè, ac virtutibus plenus,

nus, placidè compositus expiravit. Hunc autem Petro in passione Socium erit qui credendum putet? Erit profectò, Auditores, in eamque Vos ipsi sententiam ibitis, cum illud compertum habeatis, esse quædam etiam incruenta martyria, occultas cruces quotidianas mortes, in quibus perferendis minus quidem sit acerbitatis, non minor tamen gloria fortitudinis, atque constantiæ. Dicam igitur quod sentio, quodque inficiari nemo vestrum queat: Quanta fuit Avel lini Vita, fuit autem quàm longissima, tota in Cruce fuit, nec prius ille in Cruce desit esse, quàm vivere. Hanc Infans ità vidit, ut, quantum id ætatulæ patiebatur, dilexerit: Ità dilexit,

xit, ut, quod erat portento simil-
 limum, unicè concupierit: ità
 deniquè concupivit, ut instar
 Apostoli ad illius conspectum
 suavissimè suspirantis, exiliens à
 cunis illicò advolarit ad crucem.
 Non enim suffragia maturioris
 expectavit ætatis, ut Christo
 confixus naturæ cupiditates con-
 figeret, sed statim sibi moriens
 vitam instituit martyrio persimi-
 lem: ad Carnem enim suam,
 quamvis purissimam, atque vir-
 gineam perdomandam durissi-
 mo stramine pro molli culcitra
 contentus, noctes vel ducebat
 orando insomnes, vel studiis &
 quiete brevissima transigebat;
 immò ut humanas frangeret ap-
 petitiones, viresque enervaret,
 singulis ferè noctibus ad sangui-
 nem

nem usque se flagellabat; Nec
 satis hoc ipsi erat, nisi à carnibus
 etiam, cæterisque ferculis absti-
 neret, ac pane tantum, & aqua,
 paucisque leguminibus, & herbis
 miserè victitaret. Et cum hæc
 omnia minimè ejus explerent
 animum, alios præterea rogabat,
 ut diris eum flagris, multisque
 contumeliis peterent, impete-
 rentque. In hac tam aspera, au-
 steraque Vitæ disciplina, quasi
 in Petri, ac Andreæ durissima
 cruce, fractæ nunquam vires,
 immò *fortissimus* re, & nomine
 Andreas, etiam octuagenario
 major constantissimè perstitit eo
 maximo, quo cor ejus æstuabat
 ardore, ac tanto divini amoris
 igne, ut majora pro Domino suo
 pati exoptaverit semper. Cruci-
 fixus

fixus ergò est & Ipse , juxtà illud
 Divi Pauli ad Galatas : *Qui au-*
tem sunt Christi carnem suam
crucifixerunt cum vitiis, & con-
cupiscentiis . Quod si semel ,
 iterumque à perditissimis homi-
 nibus plagas accepit, eò quia Sa-
 crarum Virginum coetum ab eo-
 rum insidiis pro virili vindica-
 set ; cur non , Augustino inter-
 pretante , geminam eam percus-
 sionem intelligamus duo ligna
 crucis significasse ; nec Avellino
 defuisse tùm causam honestissi-
 mæ Mortis , tùm animum ad
 eam fortiter obeundam , tùm
 Crucem , quam sanguine suo
 consecrarit ? In quo & eidem
 Apostolo similis fuit , quem vin-
 dicem virginitatis accerrimum
 non tulit Tyrannus , sed agi ius-
 sit

sit in Crucem . Quid quod ut
 nunquam divelli posset à Cruce ,
 in eam adoptatus Familiam , cu-
 jus proprium insigne Crux est ,
 consuetis religiosæ Professionis
 vinculis ea duo addidit , quæ
 nonnisi Crucis quidam amor in-
 credibilis excogitaret ? Alterum
 nempè, quo abnegandam in om-
 nibus propriam voluntatem san-
 ctè recepit ; Alterum , quo gra-
 dum aliquem in Evangelicę Vitę
 ac perfectionis instituto quotidie
 faciendum sibi præscripsit ? Quid
 quod singulis diebus immacula-
 tum immolans Agnum , in eo
 etiam Apostolum suum imitatus,
 nihil tunc ardentius petebat ,
 quam ut Ipse Domini sui victi-
 ma occumberet ; qui & sepulcra
 martyrum invisere solitus , pul-
 cher-

cherrimam illis invidebat fortem , nec minus desiderio suo cruciabatur , quam olim Martyres ferro ? Quid quod ardentissimis ejus præcibus annuens Deus & malos Dæmones , & brutas animantes , & homines , & morbos in illum sævire permisit , qui tamen mitiùs cum eo agebant , quàm Ipse optaret , aut quàm Ipse ageret secum sui hostis infensior ? In morte denique ipsa non fuit à cruce disjunctus , qui lapsis jam viribus dissolvi cupiens , & esse cum Christo , ad rem divinam pro more faciendam perrexit . Hic se cruce obsignans , & prima iterans tanti Ministerii verba , *Introibo ad Altare Dei* , lethali Apoplexiæ Symptomate oppressus , non

E mul-

multo post eodem mense, quo magnus Andreas Achajæ, ad illud Agni cœlestis Altare introivit, quod laudibus, ac thure Sanctorum adoletur in Cœlo, sicque Sanctissimam Vitam felici planè, atque invidenda morte conclusit.

Fruere igitur, Andrea Beatissime, tuis istis tam excellentibus titulis, quos non amoris quædam, aut pietatis assentatio, sed eximia, & in gradu heroico tua Virtus, & rerum magnarum in Vita gestarum fama cum Andrea Petri Germano comunes Tibi esse declarat. Ex quibus quidem Apostolis, fraterno penè dixerim jure, suum Tibi Uterque Templum exornari magnificè voluit: Petrus, ut in suo Sanctum

Etum te pronuntiatum Christianus Orbis audiret: Andreas, ut in isto profusioribus gaudiis tantum Tibi partum honorem Roma, gratularetur. Oh satis nunquam de tuis Virtutibus, ac laudibus dictum! Nec sanè deerunt qui pro sui ubertate Ingenii de tuis amplissimis in Vita meritis, de tuis post obitum tot, tantisque miraculis multa, & vera dicent; quid autem dicent, quod si expectationem vincat, & fidem, non ipsâ tamen rerum copiâ, & magnitudine superetur?

Quare quod extrema petit Oratio; CLEMENTI primùm UNDECIMO, Pontifici Optimo, Beneficentissimo gratias, quas habemus immortales, agimus,

E 2 quan-

quantum possumus ; maximas ,
 quod nimirum è nostra Clerico-
 rum Regularium Familia cum
 Sanctis adnumeraverit , qui &
 CAJETANO Parenti suo Sanctita-
 tis hæres , & nobis ejusdem filiis
 grandior natu Frater apostolicæ
 institutionis Magister extiterit .
 Deinde verò parem tanto bene-
 ficio gratiam cum referre non
 valeamus , hoc ex te humillimè
 poscimus , Andrea Beatissime ,
 ut qui jam emeritis tanquam
Christi famulus ditaris in Cœ-
 lo stipendiis ; & non modò , ut
dignus Dei Apostolus aureâ bea-
 ris coronâ , sed etiam ut *Petri*
Germanus , & in passione Socius
 felicissimo Augustæ Triadis ob-
 tutu frueris , id efficias , ut Ipse-
 met

met omnium Largitor bonorum
Deus, qui dat omnibus affluen-
ter, illud plurimum, quod tanto
debemus Pontifici, eidem ma-
ximâ, qua solet, liberalitate
persolvat.


F I N I S.





IMPRIMATUR,
Si videbitur Reverendissimo P. Ma-
gistro Sac. Apostolici Palatii .


*T. Cervinus Episcopus Heracleæ
Vicesgerens .*

IMPRIMATUR.
Fr. Gregorius Selleri Sac. Apost.
Palatii Magister, Ordinis Præ-
dicatorum .









Biblioteka Jagiellońska



stdr0025088

Co
M

